

Landbruksmuseet på Gjermundnes med aktuell konferanse om jordvernet:

# - Må få eit sterkare lovvern om det skal ha ei meinings

Skal ein trekke ein konklusjon etter innlegga til dei tre innleiarane og det som kom fram i paneldebatten og seinare på jordvernkonferansen var det at på dette området krevs det eit sterkare lovvern, om ein skal ta dei omsyn som krevs for å verne dyrkjorda mot nedbygging.

Det var Landbruksmuseet for Møre og Romsdal som var initiativtakar og arrangerte den først jordvernkonferansen i Møre og Romsdal. Styreleiar I Landbruksmuseet, Kolbjørn Gaustad, var godt nögd då han kunne ønskje næra 150 frammotte velkommen til konferansen på Gjermundnes.

**Ordførar i Vestnes** Geir Inge Lien er for tida inne på Stortinget, men var for anledninga tilbake i heimkommunen og tilstades med ordførarkjeda på plass, for å opne jordverkonferansen med ei helsing frå Vestnes kommune, som er vertskommune for Landbruksmuseet på Gjermundnes. Frå kulturskulen var det Arthur Rekdal som stod for den kunstnarlege underhaldninga med tre melodiar på trekspel etter at ordføraren hadde opna konferansen.

**Landbruksdirektør** Anne Berit Loset ga ein grundig gjennomgang av regelverk og praktisering av jordvernet. Rose Bergslid frå bondelaget dokumentert godt og viste talmateriale på kor dårleg ein har lukkast i jordvernet.

Etter si siste bok "Slåttekar i himmelen" var forfattaren Edvard Hoem frå Fræna engasjert og heldt 1 times kåseri om tittelen "slåttekarar, jordvern og framtidstru". Han tok først forsamlinga med til USA der han ved sjølvsyn hadde sett korleis forfedrane hadde innretta seg der og lagt gardane høgt og fritt for å unngå problemer med regn og rotbløye frå gamlelandet. Han tok så ein historisk runde om utvikling og der han sæleg var innom EF tida før han enda opp med utfordringa med jordvern der han også såg dei svake sider og manglende lovvern, som saman med lokale omsyn der industriområde til IKEA og nye innflyttarkrav under føresetnad av dei måtte få tomt på dyrkemarka vart prioritert framfor jordvernomsyn. Han vektla også sterkt å ta omsyn til at temaet også mest av alt dreier seg om å produsere mat globalt til eit sterkt aukande folketall og at dette er ei stor utfordring for alle om ein skal lukkast.



Sentrale personar under jordvernkonferansen på Gjermundnes. Til venstre, Kolbjørn Gaustad som er den nye styreleieren for landbruksmuseet, vidare landbruksdirektør Anne Berit Loset, forfattaren Edvard Hoem og Rose Bergslid frå Bondelaget. Materiellet ho la fram viste at det er liten suksess i jordvernet. Foto: Kjell Opsal

**Før det vart servert middag** fekk rektor Aadne Harr ordet til å presentere Gjermundnes vidaregåande skule med sine linjeval og linjer som gjev studiekompetanse. Gjermundnes var hovudsponsor for konferansen og rektor fekk stor takk for hjelpe og vart pålagt å takke kjøkensjefen Camilla for ein sers velsmakande middag til alle som kom til konferansen. Andre sponsorar som vart takka var Hustadmarmor og Felleskjøpet.

**Paneldebatten** var det enkelte som var skeptisk til når temaet var jordvern, men redaktør Kjell Opsal i Bygdebladet leia diskusjonen på ein god måte og heldt heile tida diskusjonen innanfor temaramma. Diskusjonen hadde i programmet fått 90 min. Den var ikkje kjedelig men svært god og vart avslutta på minuttet, slik at både ordstyrar og dei som var med i panelet fekk kvar sitt eksemplar av jubileumsboka for 100-årsjubileet for Gjermundnes "Jorda og yrket" av Bjørn Sæbø. Frå dei politiske partia i paneldebatten deltok: Gunn Berit Gjerde V, Yvonne Wold SV, Steinar Reiten KrF, Kristin Sørheim SP, Knut Flolo FRP, Sidsel

Rykhus AP, Janne Nakken H og Torleif Rogne Uavh. Valliste for Sunnmøre.

**Robert Simenes** frå Averøy fekk premien for beste jordvernlegg frå konferansedeltakarane i salen. Han fekk eit eksemplar av historia om Gjermundnes.

**Ein annan deltakar** hadde teke med ein frodig graskasse for å illustrere den lokale nedbygging av dyrkjord på Vikebukt der veglysing med store ingrep og nedbygging av dyrkjord er eit lokalt døme på at lokalpolitikarar vert overstyrte og føler at dei ikkje kan gå mot utviklinga sjølv om ein veit at ein ved manglende jordvern sager av den greina ein sit på.

**Det kom og fram at i andre landsdeler er det alt starta lokale jordvernforeiningar og at dette også kan verte aktuelt i vårt fylke.**


Om det kjem til å verte arrangert fleire slike konferanser sa styreleiar Kolbjørn Gaustad då han avslutta konferansen, at styret for Landbruksmuseet først vil evaluere årets konferanse og

vidare avslutta han med eit ope spørsmål i Edvard Hoems ånd "Den som lever får se" ?

**Landbruksmuseet** gjennomførte konferansen i samarbeid med Fylkesmannen i Møre og

Romsdal og Bondelaget i Møre og Romsdal og hadde deltakrar frå Smøla og Aure i nord til Stranda og Vanylven i sør.

**Ref.**



Rektor Aadne Haarr styrtet med tekniken og slo gjerne ein vits når han var i farta. Etter ansiktsuttrykket til Sidsel Rykhus å dome har han slått til med eit godt poeng.